

Св.Великомученику Иоанну Новому Сочавскому (о благополучии в торговле).

Тропарь, гл.4:

Житие на земли добре окормляя страдальче, милостынями и частыми молитвами и слезами, паки же ко страданию мужески устремився, персское обличил еси нечестие: темже Церкви был еси утверждение и христиан похвало, Иоанне приснопамятне.

Кондак, гл.4:

Морскую плавая пучину куплюю, от востока тщался еси к северу, но Богу призвавшу тя, якоже Матфей мытницу, ты же куплю оставль, и Тому последовал еси кровию мучения, временными испуив непроходимая, и венец приял еси непобедимый.

Молитва.

Святый мучениче Иоанне! Призри с Небеснаго Чертога на требующих твоея помощи и не отвергни прошений наших, но, яко присный благодетель и ходатай наш, моли Христа Бога, да Человеколюбив и Многомилостив сый, сохранит нас от всякаго лютаго обстояния: от труса, потопа, огня, меча, нашествия иноплемеников и междоусобных брани. Да не осудит нас грешных по беззакониям нашим, и да не во зло обратим благая, даруемая нам от Всещедраго Бога, но во славу Святаго Имене Его и в прославление крепкаго твоего заступления. Да молитвами твоими даст нам Господь мир помыслов, воздержание от пагубных страстей и от всякия скверны и да укрепит во всем мире Свою Едину, Святую, Соборную и Апостольскую Церковь, Юже стяжал есть Честною Своею Кровию. Моли прилежно, свялый мучениче, да благословит Христос Бог державу Российскую, да утвердит во Святей Своей Православней Церкви живый дух правыя веры и благочестия, да вси члены ея, чистии от суемудрия и суеверия, духом и истиною поклоняются Ему и усердно пекутся о соблюдении Его заповедей, да мы вси в мире и благочестии блаженныя вечныя жизни на Небесех, благодатию Господа нашего Иисуса Христа. Емуже подобает всякая слава, честь и держава со Отцем и Святым Духом, ныне и присно и во веки веков. Аминь.

